



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1860

CCLXV. Schuldverschreibung Arnd und Sydow's für Freunde und Dieterich
Werbelow, vom 17. März 1447.

Nutzungsbedingungen

[urn:nbn:de:hbz:466:1-55515](#)

CCLXV. Schuldverschreibung Arnd Sydow's für Frentze und Dieterich Werbelow,
vom 17. März 1447.

Vor allen guden Cristen linden, de dessen briff zyen edder horen lezen, Bakenne yk Arnd
zydow, wonastich tho hansberghe, met mynen rechten eruen, dat yk schuldich bin rechter
witlicher schult den orbaren frentze vnde dyderyk, brudere, genomet de werbelow, vnde
oren rechten eruen dryhundert mark vnd druttich mark sodaner munte, so in der nyen marke
genge vnde geue ys, dar ene bedderue man deme andern boreyden vnde tho genüge mede bo-
talen mach, de my de vorschreuen frentze vnde dyderyk, genomet de werbelow, wol tho
danke vnde tho genüge boreydet vnde botalet hebben. Delle vorschreuen dryhundert mark vnd
druttich mark schal yk Arnd Zydow vnde wyl met mynen rechten eruen den erbaren frentzen
vnde dyderyk vorbonomet vnde oren rechten eruen boreyden vnde botalen vp den negeftko-
meden dach suntे Mertens des hilghen bischoppes an eneme zumme vnde an sodaner munte, so
vorschreuen ys Sunder engerleye Inval geystliques edder werliques rechtes, ok sunder engerleye
quade hulperede vnde nye quade Invindinghe wol tho danke vnde tho genughe. Weret zake, dat
frentze vnde dyderyk vorschreuen edder ore rechte eruen ennighen schaden deden edder don
musten vmme tragher botalinghe wille, de dar mochte schin up den vorschreuen suntе Mertens
dach, den sy nemen tho cristen edder tho joden, edder don misten an riden, an bryuen, an bo-
den, welkerleye schade de vmme quader botalinghe schin mochte, he sy grod ofste cleyne, he
kome tho, wo he tho kome, de bowysliken ys, den schaden loue yk Arnd Zydow met mynen
rechten eruen den ergonomeden frentzen, diderik, genomet de werbelo vnde oren rechten
eruen vulkomen vnde tho genüge tho benemende sunder oren schaden. Vnde wy borgen na-
schreuen vnde truwe medelouer, alse merten schenyngh, wonastich tho Grabo, Nickel van
ellinghen, Tyde strutz, hennigh swarttenholt, Jacob swarttenholt, Clawesborn-
stede, hinrik zydo, hans zydo tho dobberpul, wy louen alle yn truwen vnde yn eren met
ener sameden hand alle stucken vnde laken, so vorschreuen ys, vulkomen tho holden sunder en-
gerleye argelist vnde sunder hulperede geystliques edder werliques rechtes. Des tho ener grotern
bokantnisse vnde wisheit hebbe yk Arnd Zydow fakewdighe vor my vnde myne rechte eruen
vnde wy truwe borghen vorschreuen met witschap vnde vulbord vnde wolbudachten mode vnfer
alre Ingelede laten henghen an diffen open briff, de gegeuen vnde schreuen ys yn den
jaren vnses heren dusent virhundert, dar na yn deme souen vnde virtigesten jare, des vridages
vor metvasten.

Nach dem Originale des Königsberger Stadtarchivs No. 221.